

**Princeps Christiano-Politicus Septem donis Spiritus sancti
instructus Anno M.DC.LVI.**

Faust, Reinhard

Herbipoli, 1667

Caput III. Timoris Fructus.

Nutzungsbedingungen

[urn:nbn:de:hbz:466:1-55326](https://nbn-resolving.de/urn:nbn:de:hbz:466:1-55326)

C A P U T III.

Timoris Fructus.

Timeat Dominum omnis terra, & commoveantur omnes inhabitantes Orbem ! timore nimirum , quo animarum labes cavitur , quo divinæ Majestatis offensa evitatur. Hoc veræ sapientiæ initium est , verus pietatis magister , qui omnes , qui terrena sapiunt , cœlestibus & æternis disciplinis instruit , qui veram integritatem urget , & sanctitatem docet. Quando metuis naufragia , bonorum jacturam , hostium barbariem , tyrannorum crudelitatem , cum periculo offensæ divinæ sæpè , sæpius

cum

234 DISCURSVS VII.

cum ipsa offensa metuis. Attimere Deum ut amantissimum Patrem, liberalissimum Remuneratorem, æquissimum Judicem, sapientissimum Gubernatorem, extra culpæ periculum est: Hunc ergo ne offendas, tolera cruces, tormenta sustine: Hunc metue, qui postquam diripuit bona, occiditque corpus, animam potest mittere in gehennam. Hunc metuere opus est in amore divino fundatum, extra animæ discrimen; perfectè sapit, qui pœnæ rerumque temporalium timorem ex animo proscribit, eo solum, quo Deus timetur, retento; per hunc enim Dominus illuminat, & salutem ostendit, Hic si vitam protegit,
à quo

à quo trepidabis? Si consistant
adversum te castra inimicorum,
illo communitus nihil timebis.
Humanus timor quam procul
sæpè recedit à Numine? suspi-
ciones excitat, inanes consulta-
tiones instituit, figmenta malo-
rum suggerit, obest virtutibus,
progenerat vitia, hominem le-
gnitie aggravat, laborum atque
periculorum formidine à men-
te alienat, atque in stuporem
ducit, in miserrimam denique
servitutem suâ insolentiam, hebe-
tatis benè agendi instrumentis,
Regem, regnumque tradit. Ti-
mor vero divinus sic Deo affigit
timentem, ut nihil eum terribi-
litatis ferire, nihil de mente de-
turbare valeat. Oculi enim Do-
mini

236 DISCURSUS VII.

mini super timentes eum. Spes eorum, fortitudo eorum, Deus fortis, Deus exercituum est: ab hujus judiciis & præliis si Princeps Christianus timere didicerit, timere, quicquid crudelitatis à mundi hujus Principibus affundetur, dedisceret. Non illum rugitus leonum, non inimicorum tyrannis, non ferrum, non aurum expugnabit, tam solidâ virtutum basi immotus stabit, quicunque Deum timere didicet.



CA-